



[www.BibleForChildren.org](http://www.BibleForChildren.org)


San Jwan 14



'Amar llakiyllapachu ni manchayllapachu. Ashwanri  
Tayta Dyuspi yuyakushpaqa, noqapipis yuyakuyllapa.  
Taytay tiyashqambiqam kan ancha achka wasikuna.  
Mana kaptinqach'i, nishunayllapata.



Noqam rishpa, mas wasikunata rurashaq qamkunapaq.  
Chaymandaqam syilupi qamkunapaq chay lugarta  
allichashpa, rini kutimuq apashunayllapa, chay  
kashqaypi qamkunapis pullay kanaykillapa.



Noqa Jwanmi Jisukristupi kriyiq masikillapa kani.  
Chaqa Tayta Dyuspaq, Churin Jisukristupaq  
yach'achikuptiymi, qamkunashina

noqapis ancha padisishqa kani. Piru  
qamkunashinam Tayta




Dyusta mana  
shaykuq kasuykani.



Chayraykum prisuwashpa, apawarqanllapa  
karsilman chay mar yakupa ch'awpimbi isla  
allpa Patmus shutiqman.




Chayshina chay rimaq niwaptinmi, das Dyuspa Santu Ispiritunwan shunqoypi unda kidarqay. Kanan anaq syilupim rikarqay suq kamachikunan trunuta. Chay trunupiqam suq ancha pudirniyuq tiyaykarqan.



Kanan Tayta Dyus tukuy ima rurashqandapismi uyarqay  
alabaykaptinllapa. Chaqa syilupi kaqkuna, kay pachapi  
kaqkuna, chay mar yakupi kaqkuna,  
tukuy wañushqakunapismi ancha  
alabashpa, kayshina nirqanllapa:  
¡Trunumbi tiyaq Tayta Dyusta, chay  
Uñatapis ancha rrispitaashpa,  
tukuy tyimpu  
adurashunllapa!




Chaqa paykunaqam ancha llipyayqkuna, ancha kamachikuqkuna, nishpa.






Chaymandaqam noqa Jwan rikarqay Tayta Dyuspa ñawpanmanda suq mushuq santu Jirusalin Ilaqta syilumanda shamuykaqta. Chay mushuq Jirusalingam ancha shumaq allichadu karqan, suq china nubyunwan kasarantambaq shumaqta mudakushqashina.




Kanan uyarqanim syilumandapacha ancha jwirtita  
kayshina rimaptin: —Kananmandapacham Tayta  
Dyusqa kay shumaq llaqtapi runakunawan,  
warmikunawan rin kawsaq, paykunapa Dyusnin  
kanambaq. Chaqa paykunaqam paypa wambranguna.


Chaymi  
Tayta Dyusqa,  
tukuy tyimpu  
paykunapa pullan  
rin kawsaq.



Chaymandaqam musqoypishina chay anjilqa suq  
ancha limpyu rriyuta chuya kawsachikuq yakuta  
rikachiwarqan. Chay yakuqam basushina llipyaykaq,  
lluqshiykarqan Tayta Dyuspa, Uñamba trununmanda.



Kanan chay mushuq llaqtapiqam rupaywan killaqa manana rinchu kaq achikchakunanqa. Chaqa Tayta Dyus kikinmi llipyashpa, maski rupaymanda rin achikchakuq. Chay Uñambismi chay llaqtapiqa rin achikchakuq suq ancha allin michashina.




Piru chay llaqtamanqam mana rinchu yaykuq  
millanaypaq kusaskunaqa. Chaqa manam  
yaykunqallapachu ni uchayukuquna  
ni llullakuquna. Ashwanmi  
yaykunqallapaqa chay  
Uñapa librumbi  
shutinguna  
iskibrishqakunalla,  
paywan tukuy tyimpu  
kawsananllapa.




Chaymi Tayta Dyus kikin paykunapa  
ñawingunata pichashpa, rin chakichiq,  
amana masta waqananllapa. Chaqa  
chay mushuq llaqtapi tiyaqkunaqam  
manana rinllapachu wañuq. Manam ni  
rinllapachu malaganayaq. Manam ni  
rinllapachu padisiq. Chaqa kay  
pachaqam tukuy mana baliq imandin  
limpu rin chingaq, nishpa.



Chay mushuq Jirusalin Ilaqtapim Tayta Dyuspa,  
Uñamba kamachikunan trunun rin kaq. Chaymi  
uchayuqkunaqa chay Ilaqtamanqa mana rinllapachu  
yaykuq. Ashwanmi Tayta Dyusta, Uñanda kasuqkunalla  
chay Ilaqtapi rinllapa  
aduraq. Kanan  
Tayta Dyuspa  
qaqllandam rinllapa  
rikaq. Paypa  
shutimbismi  
urkungunapi  
iskibrishqa  
rin kaq.




Chaymandaqam rikarqay yumbay wañushqa kamachikuqkunata, mana kamachikuqkunata Dyuspa yuraq trunumba ñawpambi shayaykaqta. Chaqa Tayta Dyusqam wakin paykunataqa mar yakupa ukunmanda tandashqa karqan. Wakin paykunataqam wañushqakunapa lugarninmanda tandashqa karqan. Chay lugar Dyus kashqambiqam librukunapis karqan. (Chay librukunapiqam, Tayta Dyus iskibrishqa karqan runakuna, warmikuna tukuy ima rurashqangunata.)







Chay librukunatam kich'arqan liyinambaq.  
Chaymandaqam suq laya librutapis kich'arqan  
liyinambaq. (Chay librupiqam Tayta Dyus iski  
brishqa karqan paypi yumbay kriyiqkunapa  
shutingunata, paywan pulla tukuy tyimpupaq  
kawsananllapa.) Chay libruqam “Kawsaqkunapa  
Librun” shutin.  
Chaymi chay punta librukunata liyishpa,  
Tayta Dyusqa chay runakunata, warmikunata  
jusgarqan tukuy ima rurashqangunapaq.




Chaymandaqam wañushqakunapa lugarninda chay miraykaq ninaman wichukurqan. Wañuytapismi chayman wichukurqan chinganambaq. Kanan runakunapa ichu warmikunapa shutingunata mana tariptin chay kawsaqkunapa librumbiqam, paykunatapis wichukurqan chay miraykaq ninaman. Chayshina chay ninaman wichukuptinqam, ultimu wañuy rin kaq.



Chayshina niptinmi, Dyuspa Santu Ispiritunqa  
Jisukristupa nubyanwan kayshina Jisukristutaqa  
ninllapa: —Shamuyna, nishpa. [Nuta: Jisuspa  
nubyanqam yumbay paypi allipta yuyakuqkuna.]



Kay libruta uyaqkunapisri Jisukristutaqa ninqallapa:  
—Shamuyna, nishpa. Chayri qamkuna Tayta Dyuspi  
yuyakuyta munaqkunaqa, yakuta munaqkunashina  
shamuyllapa, kay kawsachikuq yakuta dibaldilla  
upyanaykillapa.



Chaqa Tayta Dyusqam kay mundupi  
yumbay tiyaqkunata ancha kuyashpa,  
sapalan Churinda kach'amurqan  
wañunambaq, paypi yumbay  
kriyiqkuna ama chingananllapa;  
ashwan tukuy tyimpu  
kawsananllapa.



Rrumanus 3:23 Chaqa yumbay runakuna, warmikunam uchayuq kanchiqllapa. Chaymi mana atinchiqllapachu washakayta, ancha allin Dyuswan kawsananchiqqa.

Rrumanus 6:23 Piru uchata rurashpaqam, pagunchiqta rinchiq ch'askiq. Chay paguqam rin kaq infyirnu. Piru Jisukristupi kriiptinchiqqam, Tayta Dyusqa dibaldilla syiluman rin apawaqninchiq, tukuy tyimpu kawsananchiqllapa.

Ibriyus 9:27 Yumbay runakuna, warmikunaqam suq kutindalla rinchiqllapa wañuq. Chayshina wañushpaqam, Tayta Dyuspa ñawpanman rinchiqllapa riq, pay juggawananchiq.



Ifisyus 2:8,9 Chaqa Tayta Dyusqam ancha kuyawaqninchiq, uchanchiqkunamanda washawashqa kanchiq, Churin Jisukristupi kriyishqanchiqrayku. Piru noqanchiqkunallaqam mana atinchiqchu ancha allin kayta, washakananchiqqa.

Ashwanmi Tayta Dyus noqanchiqkunata dibaldilla washawashqa kanchiq. Chaqa manam pipis atinchi ancha allita rurayta washakananqa. Chaymi mana pipis atinchi alabakayta: Noqallam washakashqa kani, nishpaqa.



Rrumanus 10:9,10 Tukuy shunqoykiwan allita kriyiy: Tayta Dyusmi Jisusta wañushqanmanda kawsachimushqa, nishpa. Chayshina kriyishpa, shimikiwan suqkunata allip kaqta willay: “Jisusmi noqapa kamachikuqniyqa”, nishpa. Chayshina ruraptikiqam, Tayta Dyusqa rin washashuq. Chaqa shunqonchiqwan allipta kriiptinchiqqam, Tayta Dyusqa uchanchiqkunamanda pirdunawanchiq. Chaymandaqam shiminchiqwan suqkunata niptinchiq: “Jisukristum kamachikuqniy”, nishpaqa, Dyusqa washawanchiqllapa.

Jwan 3:16,17 Chaqa Tayta Dyusqam kay mundupi yumbay tiyaqkunata ancha kuyashpa, sapalan Churinda kach'amurqan wañunambaq, paypi yumbay kriyiqkuna ama chinganallapa; ashwan tukuy tyimpu kawsananllapa. Chaymi Tayta Dyus kay munduman Churinda kach'amurqan, yumbayta chay kastigumanda washanambaq. Manam kach'amurqanchu, kay mundupi tiyaqkunata jusgashpa kastigananqa.





1 Jwan 5:11-13 Chaqa Dyusqam niwashqa kanchiq  
Churimbaq: “Churiy wañushqanraykum rini washashuqllapa,  
tukuy tyimpu noqawan kawsanaykillapa”, nishpa.  
Chaymi Dyuspa Churimbi kriyishpaqam, tukuy tyimpu  
rinchiqllapa kawsaq. Piru Dyuspa Churimbi mana  
kriyishpaqam, mana tukuy tyimpu rinchiqllapachu kawsaq  
Dyuswanqa. Kay kartatam iskibriyki qamkuna Dyuspa  
Churimbi kriyiqkunaman, yach'anaykillapa: Dyuspa  
Churimba shutimbi kriyishpam, tukuy tyimpu Dyuswan  
rinchiqllapa kawsaq, nishpa.



San Jwan 14; 2 Kurintyus 5;  
Apukalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Quechua, Cajamarca NT (qvc) © 2008, Wycliffe Bible  
Translators, Inc. All rights reserved.

<https://live.bible.is/bible/QVCTBL/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

